

## Fatwo Ay Culimo Soomaaliyeed Kaga Digayaan Manhajka Xasaan Xuseen Ee Takfiiriga Ah

Qaar ka mid ah ardayda soomaaliyeed ee wax ka barata jaamacadda islaamiga ah ee Al-madiina ayaa su,aal ay soo waydiiyeen culimada soomaaliyeed ee magacyadoodu hoos ku qoran yihiin oo ku saab sanayd manhajka uu aaminsanyahay Xasaan Xuseen ayaa waxa ay u qornayd sidan .

إن الحمد لله نحمده ونستعينه ونستغفره ونستهديه ونعوذ بالله من شرور أنفسنا وسيئات أعمالها من يهده الله فلا مضل له ومن يضل فلا هادي له وأشهد أن لا إله إلا الله وحده لا شريك له وأشهد أن محمدا عبده ورسوله وبعد:

### Hordhac:

Xilli kasta waxa uu allaah u doortay diintan culimo caadiliin ah oo ka ilaalisa marin habaabinta kuwa xadgudbsan,iyo been abuurka kuwa baadilka ku sugan iyo qaloocinta kuwa jaahiliinta ah, sidoo kale waxaa allaah ina faray in aynu culimada u celino wixii ku saabsan arimaha Diinta sida Allaah uu yidhi (فاسألوا أهل الذكر إن كنتم لا تعلمون ) maxaa yeelay culimadu waa halka ay ummaddu u cararto waqtiyada fitanku dhacaan xagga iyo baadilkuna is dhex galaan.

Sidaa daraadeed haddii aanu nahay ardayda wax ka barata jaamaccadda islaamiga ah ee Al-madiina , anaga oo culimadayada soomaaliyeed u hayna ixtiraam iyo jacayl aan la sifayn karin diintuna ay ina farayso in la jeclaado oo la ixtiraamo kuwa allaah ku nooleeyay manhajka salafka , sababna uu uga dhigay inay ku hanuunaan dad aan tiradooda la soo koobi karin, allaah waxaan u waydiinaynaa in uu khayr kaga abaal mariyo culimadeena dadaalka dacwadeed ee ay ummadooda u hayaan

### Su,aasha:???

**Culimadayada sharafta mudan:** waxa aan idinka qarsoonayn waxyaabaha uu Xasaan Xuseen ku faafiyo muxaadaraadkiisa iyo duruustiisa kuwaas oo meel ka dhac ku ah culimada iyo ardayda soomaaliyeed ee cilmiga diinta ku

hawlan ,Ummaddooduna uga markhaati kacday khayr iyo wanaag, ilaa xad uu gaadhay arinkiisu in uu si badheedh ah ula jahro gaalaysiinta culimada ka dib markii uu soo dhameeyay dhaleecayntooda iyo caydooda kuna xukumay fisqi iyo inay yihiin (علماء سوء أو أبحار سوء) .(culimo xunxun)

Qaar ka mid ah cajaladihiisa waxa uu ku yidhi: ( Jamaacada Al-Ictisaam agtayda waxa ay ka yihiin koox gaalo ah oo diinta ka ridawday , waxaana loola macaamilayaa sida dadka ridooba), waxa uu ula jeedaa hadalkan jamaacada la yidhaahdo Al-Ictisaam Bilkitaabi Wasunnah oo ay ka mid yihiin badanka culimada salafiyiinta ah ee soomaaliya, sidoo kale waxa uu ku sheegay cajaladihiisii ugu dambeeyay in lagula dagaalamo oo lagu laayo culimadaas meel kasta (في الحل والحرم) .

Qaar ka mid ah cajaladihiisa Waxa uu ku dooday inuu banaanyahay dilka qof caalim ah haddii fasaadkiisa lagu joojinayo in la dilo , **waxaana uu sheegay in ka wax dilay mujaahid yahay ka la dilayna shahiid yahay** (يكون) **!!!قاتله مجاهداً والمقتول شهيداً**

waxa uu gaalaysiiyay cid kasta oo ku hoos nool goobaha ay ka taliyaan maamulada riddoobay – waa sida uu hadalka u dhigaye- tusaale ahaan goobaha uu ka taliyo sheekh shariif, madaxwaynaha dawladda ku meelgaadhka ah, maamullada Puntland,S/land,iyo soomaali galbeed xukunkaasna kuma kala saarin haba yaraatee ruux caalim ah iyo mid caammi ah toonna , ha aaminsanaado waxa ay aaminsanyihiin maamulada uu gaalaysiiyay ama yaanu aaminsanaane –waa sida uu sheegtaye.

**Hadaba su,aashayadu waxa ay tahay:**

- Muxuu yahay manhajka ninkaasi?
- Waa maxay mawqifka sharcigu ka qabo?
- Waa maxay xukunka in la dhegaysto cajaladihiisa iyo duruustiisa?

## Jawaabta Culimada:

بِسْمِ اللَّهِ الرَّحْمَنِ الرَّحِيمِ، الْحَمْدُ لِلَّهِ، وَالصَّلَاةُ وَالسَّلَامُ عَلَى رَسُولِ اللَّهِ، وَعَلَى آلِهِ وَأَصْحَابِهِ أَجْمَعِينَ،  
وبعد

Culimadu waxay in badan u kuur galeen waxyaabaha ka soo fulay ninkaa la sheegay kuwaas oo isugu jira masaa,il iyo fataawooyin xag jira iyo weliba arimo kale oo munkar ah ayna ka mid yihiin kuwan hoos ku qoran:

1. wuxuu gaalaysiiyay si aan kala reebis lahayn qabaa,il soomaaliyeed isaga oo magacyadooda ku sheegay cajaladihiisa
2. wuxuu gaalaysiiyay dhamaan muslimiinta ku nool goobaha ay ka taliyaan xukuumadaha uu ku tilmaamay inay diinta ka riddoobeen
3. wuxuu baneeyay dhiiga culimada ku khilaafsan ra,yigiisa gaalaysiinta iyo fahamka jihaadka isaga oo xujjo ka dhiganaya in fasaadkooda la horistaagayo
4. wuxuu ku gaalaysiiyay culimada iyo ducaadda qaar ka mid ah jamaacaadka islaamiga ah arimo ismoodsiis iyo male awaal ah
5. wuxuu booriyay gaalaysiinta dadka iyo fududaynteeda ,iyo weliba in albaabkeeda loo furo guud ahaan ardayda iyo dadwaynaha kaleba arinkaas oo ay ka dhalatay in lagu ciyaaro xaqqa laguna dhiirado khalqiga.
6. wuxuu booriyay dilka culimada iyo ducaadda khilaafsan ra,yigiisa meelkasta oo ay joogaan.
7. wuxuu caadaystay cayda iyo aflagaadada culimada iyo ducaadda iyaga oo uu ku tilmaamayo inay yihiin jawaasiis iyo adeegayaal shisheeye.
8. wuxuu ku caanbaxay ku ciyaaridda aqwaasha culimada sida in wax laga jaro hadalkooda ama lagu siyaadiyo ,la kala hor mariyo ama la kala dib dhigo laguna masabido culimada wax aanay sheegin.

Ka dib markii ay culimadu baadhis xeel dheer ku sameeyeen manhajka ninkaas magaciisu kor ku xusan yahay gaar haan masaa, ilka (الأسماء والأحكام) waxaa u cadaatay in manhajkiisu yahay manhajka khawaarijta fogaatay ee xadka ka talawday kuwaas oo wax ku gaalaysiisa waxaan gaalnimu ahayn, isla mar ahaantaana aan raacin dabarada (dawaabidda) sharcigu u dejiyay gaalaysiinta iyo waxa lagu gaaloobo, fududaystana dhiigga iyo xurumaadka kale ee muslimiinta iyo culimadooda.

Ninkani waxa uu ka mid yahay kuwa sunnada ka baxay khilaafka uu khilaafay daraadii iyo ka bixitaanka uu dibada uga baxay, sidoo kale waxa uu ka mid yahay kuwa ummadda ku baxay gaalaysiin tooda iyo banaysiga dhiigooda daraadeed sida ku sugan xadiiska muslim weriyay :

(.. ومن خرج على أمتي يقتل برها وفاجرها ، ولا يتحاشى من مؤمنها ، ولا يفى لذي عهد عهده ، فليس مني ولست منه.)

Qofkii ku baxa ummaddeyda oo oo dila midkeeda wanaagsan iyo keeda xunba, isaga oo aan ka dhowrsaneynin mu'minkeeda, mid ballan lahaana aan ballantiisii u oofineynin, iga mid ma aha aniguna ka mid ma ihi.

قال شيخ الإسلام ابن تيمية رحمه الله - : والخوارج هم أول من كَفَّرَ المسلمين، يكفرون بالذنوب ، ويكفرون من خالفهم في بدعتهم، ويستحلون دمه وماله" (مجموع الفتاوى 3/279)

Sheekhul islaam ibnu taymiyah alle ha u naxariistee wuxuu yidhi: khawaarijtu waa dadkii ugu horreeyay ee muslimiinta gaalaysiisa, waxay dadka ku gaaleysiyaan danbiyada, waxaa kale oo ay gaaleysiyaan ciddii bidcadooda ku khilaafta, waxayna banneystaan dhiiggeeda. وقال ايضا : " وهم أول من كَفَّرَ أهل القبلة بالذنوب ، بل بما يرونه من الذنوب، واستحلوا دماء أهل القبلة بذلك " (مجموع الفتاوى 7/481)

Sidoo kale wuxuu yidhi khawaarijtu waa kooxdii ugu horreysay ee dadka qiblada u tukada danbiyo ku gaaleysiyaay, ama wax ay iyagu danbi u arkaan ku gaalaysiiaay, dhiiggoodana sidaas ku banneystay.

وقال أيضا : ولهم خاصتان مشهورتان فارقوا بهما جماعة المسلمين وأئمتهم : أحدهما : خروجهم عن السنة وجعلهم ما ليس بسنة سيئة، أو ما ليس بحسنة حسنة، وهذا الذي أظهره في وجه النبي صلى الله عليه وسلم حيث قال له ذو الخويصرة التميمي : اعدل فإنك لم تعدل .. .

الثاني : أنهم يكفرون بالذنوب والسيئات، ويترتب على تكفيرهم بالذنوب استحلال دماء المسلمين وأموالهم ، و أن دار الإسلام دار حرب ، و دارهم دار إيمان " ( مجموع الفتاوى 72/19).

Sidoo kale wuxuu yidhi: khawaarijtu waxay leeyihiin labo arrimood oo ay gaar la yihiin oo ay kaga bexeen jamaacada muslimiinta iyo madaxdoodaba:

1. waxay ka bexeen sunnadii iyaga oo wax aan danbi aheyn danbi ka dhigay, ama wax aan wanaag aheyn wanaag ka dhigay, arrinkaasina waa midkii ay nabiga ula badheedheen, markii uu dulkhuweysira al tamiimi ku yidhi : ( caddaalad samee caddaalad maadan sameynine)...
2. waxay wax ku gaaleysiyaan danbiyada iyo gafafka, waxayna arrintaas ka dhaliyaan inay banneystaan dhiigga muslimiinta iyo xoolohoodaba, iyo in daarta islaamku tahay daar xarbi ( dagaal) daartooduna ay tahay daar iimaan ( nabad galyo)

وقال عنهم أيضا : " .. فإنهم يعتقدون رأيا هو خطأ وبدعة ويقاثلون الناس عليه، بل يكفرون من خالفهم ، فيصيرون مخطئين في رأيهم ، وفي قتال من خالفهم أو تكفيرهم ولعنهم ، وهذه حال عامة أهل الأهواء كالجهمية ... إلى قوله : والخوارج المارقون أئمة هؤلاء في تكفير أهل السنة والجماعة وفي قتالهم " (منهاج السنة 4/536) .

Waxaa kale oo uu yidhi : waxay caqiideysanyihiin aragti khaldan iyo bidco, haddana dadka ayey kula dagaalamayaan, waliba waxey gaaleysiinayaan ciddii khilaafta, sidaa daraadeed caqiidadoodu waa khalad waxaa kale oo ay ku khaldanyihiin in ay la dagaalaman ciddii khilaafta, iyo inay gaaleysiyaan ama lacnadaan, arrintaasna waxaa lagu yaqaannaa dhammaanba dadka hawa raaca ah sida jahmiyada.... Ilaa uu ka yidhi: khawaarijta diinta ka dhex baxday ayaa kuwaas madax ugu ah gaaleysinta ahlu sunnaha iyo la dagaalankoodaba.

وقد ذكر شيخ الإسلام أيضا أن تسليط العوام – كما يصنع المذكور – على تكفير العلماء من أصول الخوارج فقال بعد كلام (الفتاوى الكبرى (475/3): "... ثم هو مع هذا بين أن علماء المسلمين المتكلمين في الدنيا باجتهادهم لا يجوز تكفير أحدهم بمجرد خطأ أخطأه في كلامه، وهذا كلام حسن تجب موافقته عليه؛ فإن تسليط الجهال على تكفير علماء المسلمين من أعظم المنكرات؛ وإنما أصل هذا من الخوارج والروافض الذين يكفرون أئمة المسلمين؛ لما يعتقدون أنهم أخطئوا فيه من الدين، وقد اتفق أهل السنة والجماعة على أن علماء المسلمين؛ لا يجوز تكفيرهم بمجرد الخطأ المحض ... اهـ.

Mar kale waxa uu sheekhu sheegay: in caammada oo lagu sallido gaaleysiinta culimada – waa sida uu yeelo ninka la soo sheegaye- ay ka mid tahay usuushii khawaarijta, wuxuuna yidhi: haddana waxa uu caddeeyay in ayna bannaaneyn in lagu gaaley siiyo culimada muslimiinta

ee ka hadla arrimaha ijtihaadiga ah, gaf ka dhacay daraaddii, hadalkaasina waa hadal wanaagsan oo in lagu raaco ay tahay.

Maxaa yeelay in dadka jaahiliinta ah lagu sallido culimada gaaleysiin tooda waxay ka mid tahay munkaraadka waaweyn, waliba waa asal ka mid ah usuusha khawaarijta iyo raafidada ( shiicada) ku gaaleysiiya madaxda muslimiinta waxyaabo ay la tahay in ay ku gafeen oo diinta ka mid ah, ahlusunnuhuna waxay isku waafaqsanyihiin in aanay bannaaneyn in culimada muslimiinta lagu gaaleysiiyo gaf kaliya.

Sidaa daraadeed culimada magacyadoodu hoos ku qoran yihiin waxa ay cadaynayaan iyaga oo arrintaas uga jeeda u naseexaynta ummadooda ah iyo ilaalinta diinta arrimahan soo socda:

- 1- manhajka ninka magaciisu kor ku xusan yahay waa manhajkii khawaarijta ee kulminayay in diinta iyo aduunkuba fasahaadaan ,waxaana waajib ah in laga digo
- 2- ma banana in la cuskado waxyaabaha uu culimada ka soo guurinayo ilaa laga hubiyo masaadirteeda asliga ah , maxaa yeelay amaano ma laha lagumana kalsoonaan karo.
- 3- Ma banana in laga ganacsado cajaladihiisa iyo kutubtiisa xambaarsan masaa,ilka iyo aqwaasha munkarka ah ee la soo sheegay
- 4- Sharci ahaan uma banana ardayda yaryar iyo dadka caammada ah inay dhagaystaan duruustiisa iyo cajaladihiisa iyo inay akhristaan qoraaadiisa toona, sidoo kale waxaan banaanayn in masaajidda muslimiinta gacanta loo geliyo ama loo fasaxo si aanu dadka muslimiinta ah caqiidadooda uga fasahaadin.
- 5- Culimadu waxay dusha ka saarayaan ninka la soo sheegay inuu mas,uul ka yahay in badan oo ka mid ah waxyaabaha soomaaliya ka dhacaya ee ay ka midka yihiin dilka culimada iyo dadka aan waxba gaysan sababna waxaa u ah in arrimahaasi dhacaan fataawihiisa guracan ee xaqqa baalmarsan.
- 6- Culimadu waxay ugu naseexaynaysaa ninkaas in uu ilaahay u toobad keeno oo ka gaabsado gaalaysiinta muslimiinta iyo banaynta dhiigooda, sidoo kale culimadu waxay ugu naseexaynayaan qaraabada iyo ehelka ninkaas inay gacmihiisa qabtaan oo ka celiyaan dhibaataada uu umadda muslimiinta ku hayo.

Arimahaas oo dhamina waxay ka mid yihiin oo soo guda gelayaan hadalka  
alle iyo rasuulkiisa ee ahaa.

وتعاونوا على البر والتقوى ولا تعاونوا على الإثم والعدوان، وقوله، صلى الله عليه وسلم: انصر أخاك  
ظالماً أو مظلوماً، قالوا: هذا المظلوم، فما بال الظالم؟ قال: تحجزه عن الظلم. وقوله، صلى الله  
عليه وسلم: الدين النصيحة. قلنا لمن؟ قل: لله ولكتابه ولرسوله ولأئمة المسلمين وعامتهم.

وصلى الله وسلم على نبيينا محمد وعلى آله وأصحابه ومن تبعهم بإحسان إلى يوم الدين

## **Magacyada Culimada saxiixay:**

1. sh. Maxamed cabdi Umal
2. sh.C/raxmaan maxamed Qayliye
3. sh. Cali Warsame xasan
4. sh Maxamuud Ciise Maxamuud
5. sh. C/qaadir Nuur faarax
6. sh. Yuusuf Adam Muxamad
7. sh. Daahir aw cabdi yuusuf
8. sh. Axmad daahir xasan xuseen
9. sh. C/raxmaan Sheekh Cumar
- 10.sh. C/naasir xaaji Axmad
- 11.sh. Maxamuud sh.Maxamed Shibli
- 12.sh. Muxamad Idiris Axmed
- 13.sh. C/laahi Sheekh Nuur
- 14.sh. Maxamuud Xaaji yuusuf
- 15.sh.Axmad maxamed Sulaymaan
- 16.sh.C/laahi daahir Jaamac (baashe)
- 17.sh. Maxamuud Sh. Axmed Xasan ( Ubuu shayba)
- 18.sh. C/raxmaan Maxamed Cilmi (Abyad)
- 19.Dr.C/rasaaq maxamuud takar
- 20.Dr.maxamuud C/raxmaan Maxamed (Hoori)
- 21.Dr.C/raxmaan sh.C/laahi Cumar
- 22.Dr.C/laahi Xasan Ibraahiim
- 23.Dr.Haaruun sheekh Xuseen
- 24.Dr.Aadam sheekh cali saalax